

Komšije častio pečenim bikom

06/11/2011 22:45 by Administrator

Kurban-bajram je veliki praznik, kada treba da se Å¼rtvuje kurban i daruju komšije i prijatelji, a ja sam za svoje poznanike kupio bika i piće, ispričao je danas Jasmin Mahmutović (36) iz banjalučkog naselja Vrbanja.

On i drugi mještani su nedaleko od lokalne džamije na račnju pekli bika i u veselju proslavljali ovaj veliki praznik. "Došao sam iz okoline Minhena u rodni kraj da Kurban-bajram proslavim sa najmilijima, uz običaje koje negujemo od davnina", priča Mahmutović. I ostali mještani u ovom banjalučkom naselju danas su rado ugostili komšije i rođake, s kojima su uz bogatu trpezu obilježili Kurban-bajram. Naravno, nezaobilazno je bilo i klanje, odnosno Å¼rtvovanje kurbana. Suprućnici Zijada (56) i Safet (61) Tršić iz Vrbanje navode da praznik slave u krugu sinova, snaha i unući. "Praznik traje tri dana. Prvi dan, po tradiciji, muški članovi porodice moraju otići na bajramsku molitivu odnosno bajram-namaz, dok ih ja dočekujem u domu, koji prije Bajrama treba posebno urediti", pojasnila je Tršićeva, dodajući da se poslije klanjanja čestita praznik, te se kući ne vraća putem kojim se došlo do džamije. Nakon toga, pojašnjava ona, muškarcima kolju kurban (ovcu, ovna, kravu ili bika), te se meso daje komšijama, rođacima, ali i siromašnim i ugroženim porodicama. To, zapravo, čine mlaći članovi porodice, koji obilaze komšiluk dijeleći kurbane, a zauzvrat dobivaju novčić ili slatkiše, odnosno bajramluk. "Naša Bajramska kuhinja je obilna, koju ja sama pripremam po receptima svoje majke. Za ručak mora biti omiljeno jelo za svakog člana porodice, gdje je kod nas kao glavno jelo služena supa, sarma, burek i sirnica, te od slatkog baklava i tufahije", naglasila je Tršićeva.

Izvor vijesti: Nezavisne